


SINTIDU DI PASKUA

AUTOR: CEZALTA BARBOSA CA'
ILUSTRASON: SHELL BOOKS






**Purmeru paskua, Deus fala Moisés pa I fala si
Povu pa e toma fiju di karnel o kabra macu di 1
anu sin manca pa kada kasa konformu familia,
e na matal na dia 14 di ki mis na fuska-fuska.**



E na toma sangi, e na pul na dus ladus di porta, ku riba na kasa nunde ke mora nel. Me - noti N na pasa na tera di ejit u, N na mata tudu purmeru fiju di Omis te na limarias. N na julga tudu deusis di ejitu. Ami i Señor. Ki sangi i na sedu sinal na kasa nunde ku bo sta nel, ora ku N oja ki sangi N na pasa riba di bo porta.



**E na kume ki karne yasadu ku pon sin fermentu
ku ortalisas. Ka bo kume nada del kru nin
kusiñadu. Son yasadu, kabesa ku pe ku partis di
dentru, ka bo disal te parmaña, bo kema tudu
ku sobra. Bo kumel ku panu maradu na bariga
ku
sapatus na pe ku manduku na mon, bo kumel
kinti-kinti es ki paskua di Señor.**



Dipus ku Deus mata tudu purmeru fijos di Omis te na Limarias, Faraó coma Moisés ku Aron, I fala elis: “Bo lanta, bo sai na metadi di ña povu abos fijos di Israel.” Ejipsius foronta Israelitas pa e sai na se tera kinti-kinti, e fala: “Si ka sin, anos tudu no na bin muri!”

